



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ioannis Ioviani Pontani amorum libri II.

Pontano, Giovanni Gioviano

Venetiis, 1518

Tumulus Hippolytæ Mariæ Principis Brutiorum, hoc est duciſſæ Calabriæ.

urn:nbn:de:hbz:466:1-13534

T V N V L O R V M

Pro patria occubistis adacto in pectora ferro.

Vos patria ipsa suis prosequitur studijs.

Ite piæ ad superos animæ postquam ossa quierunt.

Ossa quæta manent, ite piæ ad superos.

Vobis parta quies cælo. noua patria cælum est.

Ite piæ ad superos, en agite ite animæ.

Hoc posita est tumulo pubes Hydruntia. cælum

Est data cui proprijs patria pro meritis.

HIPPOLYTAE MARIAE Principis Brutiorum. Viator loquitur.

Hippolytam quisquis uideat miretur, ut illam

Ipsæ quidem credat Pallada uel Venerem.

Talis ea in tumulo est, illi sic prorsus ademit

Mors nihil, ut dicat Pallada seu Venerem.

Permanet & decor, atq; oris præstantia culti.

Huius ut atq; huius iam fluat ore melos.

Permanet & sua maiestas, popularis & auræ

Illæ quidem uere conciliator amor,

Ut simul & Venerem referatq; & Pallada, ut illi

Insit & hinc Pallas, insit & inde Venus.

Non hic Hyppolite iacet, at Pallasq; Venusq;

At tumulus nec habet Pallada nec Venerem.

Nec iacet Hippolyte tumulo. mihi parate diuæ,

Pallas & Hippolyte cum Venere hic recubant.

Cum Venere Hippolyte recubat, cum Pallade et ipsa

Hippolyte, ut diuæ tres tumulo hoc iaceant.

CICELLAE PVELLAE Surrentinæ.

Quo' decor heu quo' gratus honos, quo' tanta uerustas
 Quo' nitor ille abiit culta Cicella tuus?
 Omnia mors rapuit, quæq; & natura Venusq;
 Contulerant, quæq; ars, heu breuis hora tulit.
 In cineres heu uersa iaces. uix nomina seruant
 Saxa tibi, longo post abolenda situ.
 seu tantum cinis es, seu nil, seu labilis umbra,
 Siue es in ætherio forma recepta polo,
 Has uiolas cape, supremos & turis honores
 Fleta diu nuribus, flenda Cicella uiro.

MUNDITIANA E PVELLAE.

Munditiana tibi funus peperere Hymenæi.
 Ipse Hymen luctus, tædæq; & ipse fuit.
 Te Maiæ primum nuptam uidere Calendæ,
 Te postrema dies heu male condit humi.
 Mense malas olim Maio nupsisse puellas
 Fama est, & Maias omen habere faces.
 Munditiana tibi est Hymenq; & funera Maius,
 Et Maius uiolas det tibi, detq; rosas.

LEONTIS TOMACELLI. Marinus
frater ad sepulcrum queritur.

Quæ Phœbo, quæ nam Aonijs est cura puellis?
 Phœbe uale, ualeant Aonidesq; tuæ.
 Opereant herbæq; tuæ, succiq; ualentes,
 Et pereant cantus, sit sine uoce lyra.
 Ergo obiit Leon? ah tumulus tegit iste Leonta?
 Origeant Lauri, syluæq; Phœbe tua.